



# Халқ сўзи

Ўзбекистон — келажаги буюк давлат

2021 йил — Ёшларни қўллаб-қувватлаш ва аҳоли саломатлигини мустаҳкамлаш йили

1991 йил 1 январдан чиқа бошлаган

WWW.XS.UZ E-mail: Info@xs.uz

2021 йил 23 июнь, № 131 (7911)

Чоршанба

Сайтимизга ўтиш учун QR-кодни телефонингиз орқали сканер қилинг.



## ЎЗБЕКИСТОН ПРЕЗИДЕНТИ ПАРЛАМЕНТЛАРАРО ИТТИФОҚНИНГ БОШ КОТИБИНИ ҚАБУЛ ҚИЛДИ

Ўзбекистон Республикаси Президенти Шавкат Мирзиёев 22 июнь куни Барқарор ривожланиш мақсадларини амалга оширишда глобал парламентларо ҳамкорлик халқаро форумида иштирок этиш учун мамлакатимизда бўлиб турган Парламентларо Иттифоқ Бош котиби Мартин Чунгонгни қабул қилди.



Мамлакатимизнинг ушбу нуфузли халқаро ташкилот билан шериклигини янада кенгайтириш масалалари кўриб чиқилди.

Давлатимиз раҳбари ижтимоий-иқтисодий ислохотларни илгари суриш ва демократик ислохотларни чуқурлаштириш, инсон ҳуқуқларини ҳимоя қилиш ва гендер тенгликни таъминлаш, ёшларни қўллаб-қувватлаш каби усту-

вор йўналишларда конструктив мулоқотни давом эттириш ва яқин ҳамкорликни ривожлантириш муҳимлигини таъкидлади.

Ўзбекистон Иттифоқ ишидаги иштирокини 2017 йилда қайта тиклагани ва бугунги кунда унинг ижроия тузилмаларида тўлақонли қатнашаётганини таъкидлаш жоиз. Бу йил Олий Мажлис томонидан Парламентларо Иттифоқ би-

лан кўп қиррали муносабатларни мустаҳкамлаш тўғрисида алоҳида ҳужжат қабул қилинди.

Ўз навбатида, Бош котиб Мартин Чунгонг мамлакатимизда парламентаризмни ривожлантиришдаги сезиларли ютуқларни қайд этди ҳамда Ўзбекистоннинг бу борадаги глобал ташаббусларини юқори баҳолади ва қўллаб-қувватлади.

Илғор хорижий тажрибани кенг алмашиш ва кўп томонлама ҳамкорликнинг катта салоҳиятини рўёбга чиқариш мақсадида қатор халқаро тадбирларни биргаликда тайёрлаш ва ўтказиш юзасидан келишувга эришилди.

Ў.А.

Ўзбекистон Республикаси Президенти Матбуот хизмати суратлари.

### Ҳамкорлик

## НУФУЗЛИ МЕҲМОН СИЁСИЙ, ИЖТИМОЙ-ИҚТИСОДИЙ ИСЛОХОТЛАРГА ЮҚОРИ БАҲО БЕРДИ

Кеча Олий Мажлис Сенати Раиси Танзила Норбоева Парламентларо Иттифоқ Бош котиби Мартин Чунгонг билан учрашди.

Учрашувда давлатимиз томонидан Барқарор ривожланиш мақсадлари (БРМ)га эришиш ва инсон ҳуқуқлари ҳамда гендер тенгликни таъминлаш борасида олиб борилаётган ишлар юзасидан батафсил маълумот берилди. Парламентларо Иттифоқ Бош котиби Ўзбекистонда олиб борилаётган сиёсий, ижтимоий-иқтисодий ислохотларга юқори баҳо берди. Хусусан, Ўзбекистон Республикаси Президентининг БМТ Бош Ассамблеясининг 75-сессиясида илгари сурилган Барқарор ривожланиш мақсадларига эришишда ва инсон ҳуқуқларини таъминлашда парламентларо иштирокини ошириш бўйича махсус резолюцияни қабул қилиш хусусидаги ташаббусини алоҳида қайд этди. Шунингдек, давлатимизнинг Барқарор ривожланиш мақсадларига эришишда ютуқлари, парламентнинг давлат органлари билан ҳамкорлигида иш олиб бораётгани, Ўзбекистонда инсон ҳуқуқларини ҳимоя қилиш, гендер тенгликни таъминлаш бўйича амалга оши-

рилган ишлар юқори натижалар бераётганини, Парламентларо Иттифоқ фаолиятида ҳам Ўзбекистон ўз фаолигини намоян этаётгани алоҳида таъкидлаб ўтилди.

Мартин Чунгонг Бухорода бўлиб ўтаётган Барқарор ривожланиш мақсадларига эришишда парламентларо глобал ҳамкорлик масалаларига бағишланган халқаро форумнинг долзарблигини қайд этди.

Мулоқот чоғида мамлакатимиз БМТ резолюциялари ва қарорларининг ижроси, уларни амалга ошириш бўйича ҳамкорликни кучайтиришга алоҳида эътибор қаратиб келаётгани, Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида белгиланган вазифалар БМТнинг Барқарор ривожланиш мақсадларига тўлиқ мос келиши таъкидланди.

Учрашувда Ўзбекистон ва Парламентларо Иттифоқ ўртасидаги ҳамкорлик билан боғлиқ бошқа масалалар ҳам кўриб чиқилди.

## МУШТАРАК МАҚСАДЛАР ЙЎЛИДАГИ КУЧ-ҒАЙРАТНИ БИРЛАШТИРИШ — МУҲИМ ВАЗИФА

Тараққиётнинг янги bosқичида Ўзбекистон ташқи сиёсат борасида яқин ва узоқ давлатлар қатори халқаро ташкилотлар билан ҳам алоқаларни янада мустаҳкамлашга катта эътибор қаратмоқда. Бундай савий-ҳаракатлар парламент зиммасига ҳам аниқ вазифалар юклатмоқда.

Кеча Олий Мажлис Қонунчилик палатаси Спикери Нурдинжон Исмоилов Парламентларо Иттифоқ Бош котиби Мартин Чунгонг билан учрашди.

Ўнда Ўзбекистон ҳамда Парламентларо Иттифоқ ҳамкорлигининг бугунги ҳолати ва уни янада ривожлантириш масалалари муҳокама қилинди. Н. Исмоилов мамлакатимизда Ҳаракатлар стратегияси асосида ҳаётнинг барча жабҳасида амалга оширилаётган кенг кўламли ислохотлар ҳақида батафсил маълумот берди.

Мулоқот чоғида юқори мартабадаги мамлакатимиз парламентининг қўллаб-қувватлаш фаолияти, норма ижодкорлиги, кўмита ва фракциялар иш услублари ҳамда парламентаризм соҳасидаги амалдорлар ҳақида батафсил сўзлаб берилди.

Уз навбатида, М. Чунгонг самимий учрашув учун миннатдорлик билдириб, икки томонлама алоқаларни ривожлантиришда муҳим омил бўлган ўзаро ҳамкорликни яна-

да кенгайтириш ва мустаҳкамлаш ҳар томонлама фойдали эканини қайд этди.

— Барча халқаро ташкилотлар ўз дастурлари доирасида муайян мақсадларга эришиш учун турли ҳужжатларни қабул қилади, мамлакатлар ўртасидаги муносабатларни яқинлаштиришга оид конвенцияларни ишлаб чиқади ва уларнинг бажарилишини илгари суради. Президент Шавкат Мирзиёевнинг илгари сураётган гоғлари феномени шундан иборатки, у ҳеч қайси конвенцияда илгари сурилмаган гоғи — инсоннинг инсон билан яқинлашувини, халқ билан мулоқотни кучайтиришни тарафдорлиги ва бу таъминга лойиқдир, — деди М. Чунгонг.

Конструктив, самимий ва амалий рўхда кечган мулоқотда Олий Мажлиснинг Парламентларо Иттифоқ билан алоқаларини янада мустаҳкамлаш, бунинг учун муштарак мақсадлар йўлидаги куч-ғайратни бирлаштириш масалалари муҳокама этилди.

«Халқ сўзи».

### Қонунчилик палатасида

## ЖАМИЯТДАГИ ҲАР БИР ИСЛОХОТ ДЕПУТАТЛАР ЭЪТИБОРИДА

Олий Мажлис Қонунчилик палатасининг навбатдаги ялпи мажлисида бир қатор қонун лойиҳалари депутатлар эътиборига ҳавола қилинди. Уларда мамлакатимиз тараққиётининг турли йўналишларига оид янгиликлар, амалдаги қонун ҳужжатларини янада такомиллаштириш масалалари ўз аксини топган. Халқ вакиллари ҳар бир ҳужжати алоҳида синчковлик билан кўриб чиқилди. Шундан сўнг пухта қонун лойиҳалари қўлчилик овоз билан маъқулланди.

### Фуқаролик ишлари бўйича судларга қандай ваколат берилляпти?

Жумладан, ялпи мажлисда депутатлар муҳокамасига сабаб бўлган «Наркологик касалликларга қўллаб-қувватлаш ва уларнинг ҳуқуқларини ҳимоя қилиш тизими такомиллаштирилиши муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш ҳақида»ги қонун лойиҳаси Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини «Ёшларни қўллаб-қувватлаш ва аҳоли саломатлигини мустаҳкамлаш йили»да

амалга оширишга оид Давлат дустурининг 25-банди ижросини таъминлаш мақсадида ишлаб чиқилган.

Ҳужжат билан наркологик касалликларга қўллаб-қувватлаш ва уларнинг ҳуқуқларини ҳимоя қилиш тизими такомиллаштирилиши муносабати билан наркология муассасаларига гаёрихтиёрий тартибда ётқириш ёки ушбу муассасада ётиш муддатини узайтириш тўғрисидаги масалаларни фуқаролик ишлари бўйича судлар томонидан кўриб чиқиш тартиби белгиланмоқда.

Мажлисида қонун лойиҳаси депутатлар томонидан биринчи ўқишда қабул қилинди.

### Судьялик лавозимларига номзодларни танлаш онлайн ёритилади

Мажлисида депутатлар «Ўзбекистон Республикасининг Судьялар олий кенгаши тўғрисида»ги Ўзбекистон Республикаси Қонунига ўзгартиш ва қўшимчалар киритиш ҳақида»ги қонун лойиҳасини биринчи ўқишда кўриб чиқди.

Маъмур қонун лойиҳасида илк бор судьялик лавозимларига номзодларни танлаш бўйича имтиҳон жараёнини интернет тармоғи (веб-сайт) орқали онлайн тарзда ёритиб боришни йўлга қўйиш, судьялик лавозимига номзодлар ва судьяларнинг психологик портрети бўйича касбга муносиблигини баҳолашга қўллаб-қувватлаш электрон дастурини ишлаб чиқиш тартиби белгиланяпти. Шунингдек, судья фаолиятининг самардорлигини электрон рейтинг орқали очик ҳамда шаффоф баҳо-

лашни таъминлайдиган аниқ мезонларни ишлаб чиқиш ва амалиётга татбиқ этиш назарда тутилмоқда.

Лойиҳа билан судьялар ҳамжамияти органи нуфузини кўтариш, судьяларнинг ваколатини тўхтатиш ва тугатишда ҳолисликни таъминлаш мақсадида судьяларни интизомий жавобгарликка тортиш тўғрисидаги, шунингдек, уларни жиноий ҳамда маъмурий жавобгарликка тортиш учун розилик бериш ҳақидаги масалани кўриб чиқиш Судьялар олий кенгашида коллегиал муҳокамадан ўтказиш орқали амалга ошириш тартиби жорий этилади.

Қизгин муҳокамадан сўнг қонун лойиҳаси халқ вакиллари томонидан қабул қилинди.



### Сенатнинг ялпи мажлиси олдидан

## ЮРТИМИЗ ҲАЁТИДА АЛОҲИДА ЎРИН ТУТАДИГАН МАСАЛАЛАР МУҲОКАМАЛАР МАРКАЗИДА

Аввал хабар қилинганидек, шу йилнинг 25 июнида Олий Мажлис Сенатининг ўн олтинчи ялпи мажлиси ўз ишини бошлайди. Унда юртимиз сиёсий, ижтимоий ва иқтисодий ҳаётида алоҳида ўрин тутадиган қатор қонун ҳужжатлари ҳамда бошқа долзарб масалалар муҳокама қилиниши кутилмоқда. Шу кунларда мазкур масалалар парламент юқори палатаси кўмиталарида дастлабки тарзда кўриб чиқилляпти.

### «Давлат статистикаси» ўрнига «расмий статистика» тартиби жорий қилинмоқда

Бюджет ва иқтисодий ислохотлар масалалари кўмитаси йўналишида бошқа масалалар қаторида, «Расмий статистика тўғрисида»ги қонун чуқур муҳокама қилинди.

Таъкидланганидек, амалдаги статистика тизимида очик маълумотлар ошқоралиги ва сифат даражаси паст бўлиб, маълумотларни фуқаролар ҳамда жаҳон ҳамжамиятига етказиш механизми халқаро талабларга тўлиқ жавоб бермайдиган, амалдаги қонун ҳужжатлари фақат давлат статистика органлари фаолиятини тартибга солиб, статистик маълумотларни ишлаб чиқиш бўйича бошқа вазирлик ва идоралар фаолиятини қамраб олмаган.

Шу каби муаммоларни бартараф этиш,

белгиланадиган қамров ва сифат талаби кенглиги ҳамда тўлиқлигини таъминлаш мақсадида қонун билан «давлат статистикаси» ўрнига «расмий статистика» тартиби жорий қилинмоқда.

«Расмий статистика тўғрисида»ги қонун мамлакат миллий статистика тизимининг ислохотлар талабига мос, мутлақо янгиланган ҳуқуқий асосини яратиб беради. Натижада миллий статистика тизимига кирувчи субъектларнинг фаолиятига ҳуқуқий асос ва расмий статистиканинг халқаро даражада тан олинishi учун институционал база яратилади.

Расмий статистика умумфойдаланиш учун очиклиги, маълумотларнинг ошқоралиги ва сифат даражаси, уларни фуқаролар ҳамда жаҳон ҳамжамиятига етказишнинг амалдаги механизми халқаро талаб билан уйғунлаштирилган.

Умуман, бу ўзгаришлар статистика ҳисоботини ишончли юритиш, ахборотдан фойдаланиш самардорлигини ошириш, мамлакат нуфузи ва инвестициявий жо-

зибадорлигини мустаҳкамлаш ҳамда бошқарувда очикликни таъминлашда муҳим ўрин тутайди.

### Жойларда аёллар ҳуқуқ ва манфаатларини таъминлаш борасида камчиликлар ҳам кузатиляпти

Хотин-қизлар ва гендер тенглик масалалари кўмитаси йўналишида ялпи мажлисда муҳокама қилиниши назарда тутилган масалалар, хусусан, маҳаллардаги ҳолат, аёллар ҳуқуқ ва манфаатларини ҳимоя қилиш, хотин-қизлар тадбиркорлигини кенг қўллаб-қувватлаш, аҳоли бандлигини таъминлаш, оила муносабатларини яхшилаш масалалари таҳлил этилди.

Сўнгги йилларда мамлакатимизда аҳоли, жумладан, хотин-қизлар ва ёшларнинг ижтимоий ҳимояга муҳтож, турмуш шароити оғир, ишсиз ҳамда касб-ҳунари йўқ, ҳуқуқий ва маънавий-психологик қўллаб-қувватлашга зарурати бўлган фуқароларга давлат томонидан манзилли кўмаклашиш бўйича мутлақо янгича тизим жорий қилинди.



## ТАРИХИЙ ФОРУМ БИРГАЛИКДАГИ ҲАРАКАТЛАРИМИЗГА ЯНГИЧА СУРЪАТ БАҒИШЛАЙДИ

Хабар қилиб бораётганимиздек, кўҳна ва новқирон Бухоро шаҳри Барқарор ривожланиш мақсадларига эришишда парламентларо глобал ҳамкорлик масалаларига бағишланган йирик халқаро форумга мезбонлик қилмоқда.

Муҳбиримиз Бухорога етиб келган қатор хорижий ва маҳаллий иштирокчилар билан учрашиб, уларнинг мазкур нуфузли анжуман ҳоқидаги фикр-мулоҳазалари билан қизикди.



## ОЛИЙ ТАЪЛИМ ИНТЕГРАЦИЯСИ

### ЯНГИ ҒОЯЛАР АЛМАШИШ АСОСИДА МУАММОЛАРГА ЕЧИМ ТОПИШ ИМКОНИЯТИДИР

Бугун дунё ҳамжамияти инсоният тарихидаги энг оғир ва сиёсат даярни бошдан кечирмоқда. Бундай мураккаб вазиятни юмшатиш ёки умуман ундан чиқиш масаласига ҳар бир мамлакат ўз мезони билан ёндашляпти. Лекин ҳамма ҳам бу қийин вазиятни самарали ҳал этмоқда, деб бўлмайди.

### «Халқ сўзи» учун эксклюзив

### Санокли давлатлар қаторидан ўрин олди

Эътироф этиш жоизки, कोरोनाвируснинг хавфли тўқинларини секинлаштириб, ҳатто айрим жабҳаларда тўхтатишнинг уддасидан чиққан жаҳондаги санокли мамлакатлар

орасида Ўзбекистон ҳам бор. Бунда мамлакатда ўз вақтида қабул қилинган қарорлар, шулар асосида аҳолининг ижтимоий ҳимояси тубдан кучайтирилиб, айниқса, кўмак муҳтожларни тўлиқ қўллаб-қувватлаб келинаётгани муҳим аҳамият касб этмоқда, деб ўйлайман.

Бу борада яна бир ҳақиқат борки, уни алоҳида таъкидлаш жоиз, Ўзбекистон ҳар қандай шароитда ҳам таълимни қўллаб-қувватлашда стратегик вазифани асло унутгани йўқ, аксинча, шу бўйича савий-ҳаракатларни тобора жадаллаштириб бораёпти.

Масалан, жорий йилда олий таълимга ажратиладиган давлат грантлари сони 25 фоизга ҳамда эҳтиёжидан оилалар фарзанди бўлган хотин-қизлар учун давлат грантлари сони икки бараварга оширилган экан. Бу ҳам таълимда ижтимоий капитал устувор эканлигини кўрсатиб турибди.

